

四庫全書

史部

欽定四庫全書

水經注卷三十

魏 鄧道元 撰

淮水

淮水出南陽平氏縣胎簪山東北過桐柏山

山海經曰淮出餘山在朝陽東義鄉西尚書導淮自桐柏地理志曰南陽平氏縣王莽之平善也風俗通曰南陽平氏縣桐柏大復山在東南淮水所出也淮

均也春秋說題辭曰淮者均其勢也釋名曰淮韋也
韋繞揚州北界東至于海也爾雅曰淮為潁然淮水
與醴水同源俱導西流為醴東流為淮

案此下近潛
刻衍自字

流地下三十許里東出桐柏之大復山南謂之陽口
水南即復陽縣也關駟言復陽縣胡陽之樂鄉也元
帝元延二年置在桐柏大復山之陽故曰復陽也東
觀漢記曰朱祐少孤歸外家復陽劉氏山南有淮源
廟廟前有碑是南陽郭苞立又二碑並是漢延熹中

守令所造文辭鄙拙殆不可觀故經云東北過桐柏

也淮水又東逕義陽縣

案此八字原本及近刻並訛作經

縣南對固

成山山有水注流數丈洪濤灌山遂成巨井謂之石

泉水北流注于淮淮水又逕義陽縣故城南

案此十字原本

及近刻並訛作經

義陽郡治也世謂之白茅城

案近刻脫之字

其城

圓而不方闕駟言晉太始中割南陽東鄙之安昌平

林平氏義陽四縣置義陽郡于安昌城又太康記晉

書地道記並有義陽郡以南陽屬縣為名漢武帝元

狩四年

案元狩近刻
訛作元光

封北地都尉衛山為侯國也有

九渡水注之水出雞翅山溪澗濚委沿邈九渡矣其
猶零陽之九渡水故亦謂之為九渡焉于溪之東山
有一水發自山椒下數丈素湍直注頽波委壑可數
百丈望之若霏幅練矣下注九渡水九渡水又北流
注于淮

東過江夏平春縣北

淮水又東油水注之

案此八字原本及
近刻並訛作經

水出縣西南

油溪東北流逕平春縣故城南漢章帝建初四年

案章

帝近刻訛
作和帝

封子全為王國油水又東曲

案油水原本
及近刻並訛

作淮水
今改正

岸北有一土穴徑尺泉流下注沿波三丈

案

下近刻
衍流字

入于油水亂流南屈又東北注于淮淮水又

東北逕城陽縣故城南漢高帝十二年封定侯奚意

為侯國王莽之新利也

案新利近刻
訛作利新

魏城陽郡治淮

水又東北與大木水合

案此十字原本及
近刻並訛作經

水西出大

木山山即晉車騎將軍祖逖自陳留將家避難所居

也其水東逕城陽縣北而東入于淮淮水又東北流

左會湖水

案此十字原本及近刻並訛作經

傍川西南出窮溪得其

源也淮水又東逕安陽縣故城南

案此十一字原本及近刻並訛作經

江國也嬴姓矣今其地有江亭春秋文公四年楚人

滅江秦伯降服出次曰同盟滅雖不能赦敢不矜乎

案此下近刻衍地理志曰四字

漢乃縣之文帝八年

案近刻訛作呂后八年

封

淮南厲王子劉勃為侯國王莽之均夏也淮水又東

得澌口水源南出大潰山

案此十四字原本及近刻並截上八字訛作經下六

字仍屬
注文

東北流翼帶三川亂流北注澗水又北逕賢

首山西又北出東南屈逕仁順城南故義陽郡治分

南陽置也晉太始初以封安平獻王孚長子望本治

在石城山上因梁希侵逼徙治此城梁司州刺史馬

仙琕不守

案梁近刻訛作齊
仙琕訛作鮮卑

魏置郢州也昔常珍奇

自懸瓠遣三千騎援義陽行事龐定光屯于澗水者

也澗水東南流歷金山北山無樹木峻峭層峙澗水

又東逕義陽故城北城在山上因倚陵嶺周迴三里

是郡昔所舊治城南十五步對門有天井周百餘

步深一丈東逕鍾武縣故城南

案近刻脫縣字

本江夏之屬

縣也王莽之當利縣矣又東逕石城山北山甚高峻

史記曰魏攻冥阨音義曰冥阨或言在郾縣柏山也

按呂氏春秋九塞其一也澗水逕郾縣故城南建武

中世祖封鄧邯為郾侯

案郾下近刻衍縣字

按蘇林曰音盲

案近

刻脫按字

澗水又東逕七井岡南又東北注于淮淮水又

東至谷口谷水南出鮮金山北流

案比下近刻衍至字

瑟水注

之水出西南具山東北逕光淹城東而北逕青山東

羅山西俗謂之仙居水

案近刻脫此六字

東北流注于谷水

谷水東北入于淮

又東過新息縣南

案過近刻訛作逕

淮水東逕故息城南春秋左傳隱公十一年鄭息有

違言息侯伐鄭鄭伯敗之者也淮水又東逕浮光山

北

案此九字原本及近刻並訛作經

亦曰扶光山即弋陽山也

案近刻脫

陽字出名玉及黑石堪為碁其山俯映長淮每有光輝

淮水又東

案近刻脫此二十三字

逕新息縣故城南應劭曰息

後徙東故加新也王莽之新德也光武十九年封馬

援為侯國外城北門內有新息長賈彪廟前有碑

面南又有魏汝南太守程曉碑

案曉近刻說作堯

魏太和中

蠻田益宗効誠

案近刻說作域

立東豫州以益宗為刺史淮

水又東合慎水

案慎下近刻行縣字

水出慎陽縣西而東逕慎

陽縣故城南縣取名焉漢高帝十一年封欒說為侯

國頌陰劉陶為縣長政化大行道不捨遺以病去官

童謠歌曰悵然不樂思我劉君何時復來安此下民
見思如此應劭曰慎水所出東北入淮慎水又東流
積為雒陂陂水又東南流為上慎陂又東為中慎陂
又東南為下慎陂皆與鴻卻陂水散流其陂首受淮
川左結鴻陂漢成帝時翟方進奏毀之建武中汝南
太守鄧晨欲脩復之知許偉君曉知水脈召與議之
偉君言成帝用方進言毀之尋而夢上天天帝怒曰
何敢敗我濯龍淵

案龍近刻
訛作子

是後民失其利時有童

謠曰敗我陂翟子威反乎覆

案近刻訛作及子覆

陂當復明府

興復廢業童謠之言將有徵矣遂署都水掾起塘四

百餘里百姓得其利陂水散流下合慎水而東南逕

息城北又東南入淮

案又東下近刻行逕字

謂之慎口淮水又

東與申陂水合水上承申陂于新息縣北東南流分

為二水一水逕深丘西又屈逕其南南派為蓮湖水

南流注于淮淮水又左逕流結兩湖謂之東西蓮湖

矣淮水又東右合壑水

案此八字原本及近刻並訛作經

水出白沙

山東北逕柴亭西俗謂之柴水又東北流與潭溪水合水發潭谷東北流右會柴水柴水又東逕黃城西故弋陽縣也城內有二城西即黃城也柴水又東北入于淮謂之柴口也淮水又東北申陂枝水注之

案此

十一字原本及近刻並訛作經

水首受陂水于深丘北東逕釣臺南

臺在水曲之中臺北有琴臺又東逕陽亭南東南合

淮淮水又東逕淮陰亭北又東逕白城南

案此十五字原本及

近刻並訛作經

楚白公勝之邑也東北去白亭十里

案東上近刻衍

又淮水又東逕長陵戍南又東青陂水注之

案此十六字原

本及近刻並訛作經

分青陂東瀆東南逕白亭西又南于長陵

戍東東南入于淮淮水又東北合黃水

案此八字原本及近刻並

訛作經

水出黃武山東北流木陵關水注之水導源木

陵山

案近刻脫源字

西北流注于黃水黃水又東逕晉西陽

城南又東逕光城南

案逕下近刻衍南字

光城左郡治

案近刻脫城左

二又東北逕高城南故弦國也

案弦下原本及近刻並衍高字今改正

又東北逕弋陽郡東有虞丘郭南有子胥廟

案晉近刻訛作

相黃水又東北入于淮謂之黃口淮水又東北逕褒

信縣故城南而東流注也

案注下近刻行之者二字

又東過期思縣北

縣故蔣國周公之後也春秋文公十年楚王田于孟諸期思公復遂為右司馬楚滅之以為縣漢高帝十二年以封賁赫為侯國城之西北隅有楚相孫叔敖廟廟前有碑淮水又東北潞水注之

案此九字原本及近刻並訛作

經水出弋陽縣南垂山西北流歷陰山關逕二城間

舊有賊難軍所頓防

案所下近刻衍謂字

西北出山又東北流

逕新城戍東又東北得詔虞水口西北去弋陽虞丘郭二十五里水出南山東北流逕詔虞亭東而北入淝水又東北注淮俗曰白鷺水

又東過原鹿縣南

案近刻脫又字

汝水從西北來注之

縣即春秋之鹿上也左傳僖公二十一年宋人為鹿上之盟以求諸侯于楚建武十五年世祖更封侍中執金吾陰鄉侯陰識為侯國者也

又東過廬江安豐縣東北決水從北來注之

廬江故淮南也漢文帝十六年別以為國應劭曰故

廬子國也決水自舒蓼北注不于北來也安豐東北

注淮者窮水矣又非決水皆誤耳淮水又東谷水入

焉

案此八字原本及近刻並訛作經

水上承富水東南流世謂之谷

水也東逕原鹿縣故城北城側水南谷水又東逕富

陂縣故城北俗謂之成閭亭非也地理志

案近刻衍一日字

汝南郡有富陂縣建武二年世祖改封平鄉侯王霸

為富陂侯十三州志曰漢和帝永元九年分汝陰置多陂塘以溉稻故曰富陂縣也谷水又東于汝陰城

東南注淮

案近刻脫淮字

淮水又東北左會潤水

案此九字原本及近

刻並訛作經

水首受富陂東南流為高塘陂又東積而為

陂水東注焦陵陂陂水北出為鮑陂陂水潭漲引瀆

北注汝陰四周隍塹下注潁水焦湖東注謂之潤水

逕汝陰縣東逕荆亭北而東入淮

案近刻脫淮字

淮水又東

北窮水入焉

案此九字原本及近刻並訛作經

水出六安國安風縣

窮谷

案風近刻訛作豐下同

春秋左傳楚救澗司馬沈尹戌與

吳師遇于窮者也

案近刻窮下衍谷字

川流泄注于決水之右

北灌安風之左世謂之安風水亦曰窮水音戎並聲

相近字隨讀轉流結為陂謂之窮陂塘堰雖淪猶用

不輟陂水四分農事用康北流注于淮京相璠曰今

安風有窮水北入淮淮水又東為安風津水南有城

故安風都尉治後立霍丘戍淮中有洲

案近刻重一淮字

俗

號關洲蓋津關所在故斯洲納稱焉魏書國志有曰

司馬景王征毋丘儉使鎮東將軍豫州刺史諸葛誕

案東近刻訛作西

從安風津先至壽春儉敗與小弟秀藏水

草中安風津都尉部民張屬斬之傳首京都即斯津也

又東北至九江壽春縣西泚水泄水合北注之

案泚水泄水原

本及近刻並訛作泚水洪水今改正

又東潁水從西北來流注之

淮水又東左合泚口

案近刻訛作泚口

又東逕中陽亭北為

中陽渡水流淺磧可以厲也淮水又東流與潁口會

東南逕蒼陵城北又東北流逕壽春縣故城西

案蒼陵城

北近刻訛作倉陵北又此二十
七字原本及近刻並訛作經

縣即楚考烈王自陳

徙此秦始皇立九江郡治此兼得廬江豫章之地故

以九江名郡漢高帝四年為淮南國孝武元狩六年

復為九江焉文穎曰史記貨殖傳曰淮以北沛陳汝

南南郡為西楚彭城以東東海吳廣陵為東楚衡山

九江江南豫章長沙為南楚是為三楚者也淮水又

北左合椒水

案此八字原本及
近刻並訛作經

水上承淮水東北流

逕蛇城南

案城近刻
訛作地

又歷其城東亦謂之清水東北

流注于淮水謂之清水口者是此水焉

案此四字近
刻作左合椒

水焉五字係

後人妄改

又東過壽春縣北肥水從縣東北流注之

淮水于壽陽縣西北

案晉孝武改
壽春曰壽陽

肥水從城西而北

入于淮

案近刻
脫西字

謂之肥口淮水又北夏肥水注之水

上承沙水于城父縣右出東南流逕城父縣故城南

王莽之思善也縣故焦夷之地春秋左傳昭公九年

楚公子棄疾遷許于夷寔城父矣取州來淮北之田

以益之伍舉授許男田

案男近刻說作夷

杜預曰此時改城

父為夷故傳寔之者也然丹遷城父人于陳以夷濮

西田益之

案近刻脫此十五字

言夷田在濮水西者也然則濮

水即沙水之兼稱得夏肥之通目矣漢桓帝永壽元

年封大將軍梁冀孫桃為侯國也

案也上近刻衍者字

夏肥水

自縣又東逕思善縣之故城南漢章帝章和三年分

城父立夏肥水又東為高陂又東為大滌陂

案近刻說作天

淖
水出分為二流南為夏肥水案近刻北為雞陂夏

陂肥水東流

案近刻脫水字

左合雞水水出雞陂東流為黃陂

案近刻脫流字

又東南流積為茅陂又東為雞水呂氏春秋

曰宋人有取道者其馬不進投之雞水是也雞水右

會夏肥水

案右近刻訛作又脫夏字

而亂流東注俱入于淮淮水

又北逕山破中謂之破石

案此十二字原本及近刻並訛作經

對岸山

上結二城以防津要西岸山上有馬跡世傳淮南王

乘馬昇僊所在也今山之東南石上有大小馬跡十

餘所仍今存焉淮水又北逕下蔡縣故城東本州來

之城也吳季札始封延陵後邑州來故曰延州來矣

春秋哀公二年

案哀近刻訛作襄

蔡昭侯

案近刻訛作成公

自新蔡

遷于州來謂之下蔡也淮之東岸又有一城即下蔡

新城也

案近刻脫即字

二城對據翼帶淮濱淮水東逕八公

山北

案近刻脫公字

山上有老子廟淮水歷潘城南置潘溪

戍戍東側潘溪吐川納淮更相引注又東逕梁城臨

側淮川川左有湄城淮水左逕為湄湖淮水又右納

洛川于西曲陽縣北水分閭溪北絕橫塘又北逕蕭

亭東

案近刻脫又字

又北鵲甫溪水入焉水出東鵲甫谷西

北流逕鵲甫亭南西北流注于洛水北逕西曲陽縣

故城東王莽之延平亭也應劭曰縣在淮曲之陽下

邳有曲陽故是加西也洛澗北歷秦墟下注淮謂之

洛口經所謂淮水逕壽春縣北肥水從縣東北注者

也

案近刻脫從字

蓋經之謬矣考川定土即實為非是曰洛

澗非肥水也淮水又北逕莫邪山西

案此九字原本及近刻並訛作

經

山南有陰陵縣故城漢高祖五年項羽自垓下從數百騎夜馳渡淮至陰陵迷失道左陷大澤漢令騎將灌嬰以五千騎追及之于斯縣者也按地理志王莽之陰陸也後漢九江郡治時多虎災百姓苦之南陽宗均為守

案宗近刻訛作宋

退貪殘進忠良虎悉東渡江

又東過當塗縣北過水從西北來注之

淮水自莫邪山東北逕馬頭城北魏馬頭郡治也故當塗縣之故城也呂氏春秋曰禹娶塗山氏女不以

私害公自辛至甲四日復往治水故江淮之俗以辛

壬癸甲為嫁娶日也禹墟在山西南

案墟近刻說作娶

縣即

其地也地理志曰當塗侯國也魏不害以圍守尉捕

淮陽反者公孫勇等

案近刻說作者

漢以封之王莽更名山

聚也淮水又東北濠水注之

案此九字原本及近刻並訛作經

水出

莫邪山東北溪

案溪上近刻衍之字

溪水西北引瀆逕禹墟北

又西流注于淮淮水又北沙水注之

案此八字原本及近刻並訛作

經經所謂蕩蕩渠也淮之西有平阿縣故城王莽之

平寧也建武十三年世祖更封耿阜為侯國郡國志

曰平阿縣有塗山

案有下近刻行當字

淮出于荆山之左當塗

之右奔流二山之間而揚濤北注也

案而近刻說作西也訛作之

春秋左傳哀公十年大夫對孟孫曰禹會諸侯于塗

山執玉帛者萬國杜預曰塗山在壽春東北非也余

按國語曰吳伐楚墮會稽獲骨焉節專車吳子使來

聘且問之客執骨而問曰

案近刻說作之

敢問骨何為大仲

尼曰丘聞之昔禹致羣神于會稽之山防風氏後至

禹殺之其骨專車此為大也蓋丘明親承聖旨錄為
實証矣又按劉向說苑辨物王肅之叙孔子廿二世
孫孔猛所出先人書家語並出此事故塗山有會稽
之名考校羣書及方土之目疑非此矣蓋周穆之所

會矣淮水于荆山北過水東南注之

案東近刻
訛作自

又東

北逕沛郡義城縣東司馬彪曰後隸九江也

又東過鍾離縣北

世本曰鍾離嬴姓也應劭曰縣故鍾離子國也楚滅

之以為縣春秋左傳所謂吳公子光伐楚拔鍾離者也王莽之蠶富也豪水出陰陵縣之陽亭北小屈有石穴不測所窮言穴出鍾乳所未詳也豪水東北流逕其縣西又屈而南轉東逕其城南又北歷其城東逕小城而北流注于淮淮水又東逕夏丘縣南

案此九字

原本及近刻並訛作經

又東渙水入焉水首受蕩鵠渠于開封

縣史記韓釐王二十一年使暴載救魏為秦所敗載

走開封者也東南流逕陳留北又東南

案近刻脫入焉至此四十

六字
西入九里注之

案此六字脫誤未詳

渙水又東南流逕雍丘

縣故城南又東逕承匡城又東逕襄邑縣故城南故

宋之承匡襄牛之地宋襄公之所葬故號襄陵矣竹

書紀年梁惠成王十七年宋景黻

案近刻訛作公今竹書作鼓

衛

公孫倉會齊師圍我襄陵十八年惠成王以韓師敗

諸侯師于襄陵

案近刻脫敗字此句之下有縣字今竹書作縣于襄陵

齊侯使

楚景舍來求成

案此下近刻有公會齊宋之圍六字原本及竹書皆無此語

即于

此也西有承匡城春秋會于承匡者也秦始皇以承

匡卑涇徙縣于襄陵更為襄邑

案此下近刻行也字

王莽以為

襄平也漢桓帝建和元年以封梁冀之子為侯國陳留風俗傳曰縣南有渙水故傳曰睢渙之間出文章天子郊廟御服出焉尚書所謂厥篚織文者也渙水又東南逕已吾縣故城南又東逕鄆城北春秋襄公元年經書晉韓厥帥師伐鄭魯仲孫蔑會齊曹邾杞次于鄆杜預曰陳留襄邑縣東南有鄆城渙水又東南逕鄆城北新城南又東南左合明溝溝水自蓬洪

陂東南流謂之明溝下入渙水又逕亳城北帝王世

記曰穀熟為南亳即湯都也十三州志曰漢武帝分

穀熟置春秋莊公十二年

案二近刻
訛作三

宋公子御說奔

亳者也

案奔下近
刻衍于字

渙水東逕穀熟城南漢光武建武

二年封更始子歆為侯國又東逕楊亭北春秋左氏

傳襄公十二年楚子囊秦庶長無地伐宋師于楊梁

以報晉之取鄭也京相璠曰宋地矣今睢陽東南三

十里有故楊梁城

案近刻
脫城字

今日陽亭也俗名之曰綠

城非矣西北去梁國八十里渙水又東逕沛郡之建

平縣故城南漢武帝元鳳元年

案近刻脫元鳳二字

封杜延年

為侯國王莽之田平也又東逕鄼縣故城南春秋襄公十年公會諸侯及齊世子光于鄼今其地鄼聚是也王莽之鄼治矣渙水又東南逕費亭南漢建和元年封中常侍沛國曹騰為侯國騰字季興譙人也永初中定桓帝策封亭侯此城即其所食之邑也渙水又東逕鉅縣故城南昔吳廣之起兵也使葛嬰下之

渙水又東苞水注之水出譙城北白汀陂

案白近刻說作自

陂水東流逕鄴縣南又東逕鄆縣故城南漢景帝中

元年封周應為侯國王莽更之曰單城也

案單近刻說作留

音多又東逕嵇山北嵇氏故居嵇康本姓奚

案近刻脫康字

會稽人也先人自會稽遷于譙之鉅縣改為嵇氏

案改

近刻訛作故

取稽字之上以為姓蓋志本也嵇氏譜曰譙

有嵇山家于其側遂以為氏縣魏黃初中文帝以鄴

城父山桑鉅置譙郡故隸譙焉苞水東流入渙渙水

又東南逕蘄縣故城南地理志曰故甄鄉也

案甄近刻訛作

垂

漢高帝破黥布于此縣舊都尉治王莽之蘄城也

水上有古石梁處遺基尚存渙水又東逕穀陽縣左

會八丈故瀆

案左近刻訛作右

瀆上承洨水南流注于渙渙

水又東逕穀陽戍南又東南逕穀陽故城東北右與

解水會水上承縣西南解塘東北流逕穀陽城南即

穀水也應劭曰城在穀水之陽

案近刻脫此二字

又東北流

注于渙渙水又東南逕白石戍南又逕虹城南

案近刻脫

又字虹
訛作蛇

汶水注之水首受蘄水于蘄縣東南流逕穀

陽縣八丈故瀆出焉又東合長直故溝溝上承蘄水

南會于汶汶水又東南流逕汶縣故城北

案逕近縣
刻作于

有垓下聚漢高祖破項羽所在也王莽更名其縣曰

肴城

案肴近刻
訛作育

應劭曰汶水所出音絞經之絞也汶

水又東南與渙水亂流而入于淮

案近刻脫與渙水
亂流五字及而字

故應劭曰汶水南入淮淮水又東至嶢石山潼水注

之水首受潼縣西南潼陂縣故臨淮郡之屬縣王莽

改曰成信矣南逕沛國夏丘縣絕蘄水又南逕夏丘

縣故城西

案近刻脫水又南三字

王莽改曰歸思也又東南流

逕臨潼戍西又東南至嶢石西南入淮淮水又東逕

浮山

案此七字原本及近刻並訛作經

山北對嶢石山梁氏天監中

立堰于二山之間逆天地之心乖民神之望自然水

潰壞矣

案壞近刻訛作淮

淮水又東逕徐縣南歷澗水注之

案此十三字原本及近刻並訛作經

導徐城西北徐陂陂水南流絕蘄

水逕歷澗戍西

案戍近刻訛作水

東南流注于淮淮水又東

池水注之

案此八字原本及近刻並訛作經

水出東城縣東北流逕

東城縣故城南漢以數千騎追羽羽帥二十八騎引

東城

案近刻脫一羽字

因四隕山

案山近刻訛作出

斬將而去即此

處也史記孝文帝八年

案近刻訛作孝惠八年

封淮南厲王子

劉良為侯國

案良近刻訛作賜

地理志王莽更名之曰武城

也池水又東北流歷二山間東北入于淮謂之池河

口也

案近刻脫河字

淮水又東蘄水注之

案此八字原本及近刻並訛作經

水首受睢水于穀熟城東北東逕建城縣故城北漢

武帝元朔四年封長沙定王子劉拾為侯國王莽之

多聚也蘄水又東南逕蘄縣縣有大澤鄉陳涉起兵

于此篝火為狐鳴處也南則洩水出焉蘄水又東南

北八丈故瀆出焉

案北下近刻衍入字瀆訛作溝

又東流長直故溝

出焉

案長直上近刻衍南北二字溝訛作瀆

又東入夏丘縣東絕潼水

逕夏丘縣故城北又東南逕潼縣南又東流入徐縣

東絕歷澗又東逕大徐縣故城南又東注于淮淮水

又東歷客山逕盱眙縣故城南

案此十四字原本地及近刻並訛作經

理志曰都尉治漢武帝元朔元年封江都易王子劉

蒙之為侯國王莽更名之曰匡武淮水又東逕廣陵

淮陽城南

案廣陵下近刻衍
歷字復脫南字

城北臨泗水

案近刻
脫城字阻

于二水之間述征記淮陽太守治自後置成縣亦有

時廢興也

又東北至下邳淮陰縣西泗水從西北來流注之

淮泗之會即角城也左右兩川翼夾二水決入之所

所謂泗口也

又東過淮陰縣北中瀆水出白馬湖東北注之

淮水右岸即淮陰也城西二里有公路浦昔袁術向九江將東奔袁譚路出斯浦因以為名焉又東逕淮陰縣故城北北臨淮水漢高帝六年封韓信為侯國王莽之嘉信也昔韓信去下鄉而釣于此處也城東有兩冢西者即漂母冢也周迴數百步高十餘丈昔漂母食信于淮陰信王下邳蓋投金增陵以報母矣東一陵即信母冢也縣有中瀆水首受江于廣陵郡

之江都縣縣城臨江應劭地理風俗記曰縣為一都

之會故曰江都也縣有江水祠俗謂之伍相廟也子

胥但配食耳歲三祭與五岳同舊江水道也

案近刻脫江字

昔吳將伐齊北霸中國自廣陵城東南築邗城城下

掘深溝謂之韓江亦曰邗溟溝自江東北通射陽湖

地理志所謂渠水也西北至末口入淮

案西近刻訛作而又脫入

字自永和中江都水斷其水上承歐陽埭

案近刻脫埭字引

江入埭六十里至廣陵城楚漢之間為東陽郡高祖

六年為荊國十一年為吳城即吳王濞所築也景帝

四年更名江都武帝元狩三年更曰廣陵王莽更名

郡曰江平縣曰定安

案近刻脫
更名二字

城東水上有梁謂之

洛橋中瀆水自廣陵北出武廣湖東陸陽湖西二湖

東西相直五里

案此二湖在
今高郵州南

水出其間下注樊梁湖

案湖在高郵州
西北五十里

舊道東北出至博芝射陽二湖西北

出夾邪乃至山陽矣至永和中患湖道多風陳敏因

穿樊梁湖北口下注津湖逕渡

案津湖在今寶
應縣南六十里

渡十

二里方達北口

案此謂津湖之北口

直至夾邪興寧中復以津

湖多風又自湖之南口

案近刻南下衍北字此謂津湖之南口

沿東岸

二十里穿渠入北口自後行者不復由湖故蔣濟三

州論曰淮湖紆遠水陸異路山陽不通陳敏穿溝

案近

刻脫敏字

更鑿馬瀨百里渡湖者也自廣陵出山陽白馬

湖逕山陽城西即射陽縣之故城也應劭曰在射水之陽漢高祖六年封楚左令尹項纏為侯國也王莽更之曰監淮亭世祖建武十五年封子荆為山陽公

治此十七年為王國城本北中郎將庾希所鎮中瀆
水又東案近刻脫水字謂之山陽浦又東入淮謂之山陽口

者也

又東兩小水流注之

淮水左逕泗水國南故東海郡也徐廣史記音義曰

泗水國名漢武帝元鼎四年

案近刻訛作三年

初置都淩

案近

刻訛作鄆下衍四年二字

封常山憲王子思王商為國

案近刻脫封字

地

理志曰王莽更泗水郡為水順

案近刻訛作順水

淩縣為生

淩

案近刻說作淩縣為生變

淩水注之水出淩縣東流逕其縣故

城東而東南流注于淮寔曰淩口也

案近刻說淩字

應劭曰

淩水出縣西南入淮即經之所謂小水者也

又東至廣陵淮浦縣入于海

應劭曰淮崖也

案近刻說作浦岸也

蓋臨側淮瀆故受此名淮

水逕縣故城東

案逕近刻說作出

王莽更名之曰淮敬淮水

于縣枝分北為游水歷朐縣與沭合又逕朐山西

案逕

近刻說作匡

山側有朐縣故城秦始皇三十五年于朐縣

立石海上以為秦之東門崔琰述初賦曰倚高壚以
周眄兮觀秦門之將將者也東北海中有大洲謂之
郁洲山海經所謂郁山在海中者也言是山自蒼梧
徙此云山上猶有南方草木今郁州治故崔季珪之
敘述初賦言郁洲者故蒼梧之山也心悅而怪之聞
其上有僊士石室也乃往觀焉

案近刻
脫焉字

見一道人獨

處休休然不談不對顧非已及也即其賦所云吾夕

濟于郁洲者也游水又北逕東海利成縣故城東

案
成

近刻訛作城東上衍之字

故利鄉也漢武帝元朔四年封城陽共

王子嬰為侯國王莽更之曰流泉游水又北歷羽山

西地理志曰羽山在祝其縣東南尚書曰堯疇咨四

岳得舜

案疇咨近刻訛作時曰

進十六族殛鯀于羽山是為禱

杌與驩兜三苗共工同其罪故世謂之四凶鯀既死

其神化為黃熊

案近刻訛作龍

入于羽淵是為夏郊三代祀

之故連山易曰有崇伯鯀伏于羽山之野者是也游

水人上至兄其孫故城西晉水經夏公曾事其子

夾谷左傳定公十年公及齊平會于祝其寔夾谷也
服虔曰地二名王莽更之曰猶亭縣之東有夾口浦
游水左逕琅邪計斤縣故城之西

案計斤原本及近
刻並訛作即丘今

改正地理志曰莒子始起于此後徙莒有鹽官故世謂

之南莒也游水又東北逕贛榆縣北東側巨海有秦
始皇碑在山上去海百五十步潮水至加其上三丈
去則三尺所見東北傾石長一丈八尺廣五尺厚三
尺八寸一行十二字游水又東北逕紀鄆故城南春

秋昭公十九年齊伐莒莒子奔紀鄆莒之婦人怒莒子之害其夫老而託紡焉取其纊而夜緹絕鼓譟城上人亦譟莒共公懼啓西門而出齊遂入紀故紀

子帛之國穀梁傳曰吾伯姬歸于紀者也杜預曰紀鄆地名東海贛榆縣東北有故紀城即此城也

案城

近刻訛作水

游水東北入海舊吳之燕岱常泛巨海憚其

濤險更沿溯是瀆由是出地理志曰游水自淮浦北入海爾雅曰淮別為潯游水亦枝稱者也

水經注卷三十

欽定四庫全書

史部

水經注卷三十一

詳校官監察御史_臣周元良

刑部郎中_臣許兆椿覆勘

總校官庶吉士_臣何思鈞

校對官中書_臣葉蘭

謄錄監生_臣王廷璧

欽定四庫全書

水經注卷三十一

魏 酈道元 撰

滎水

滎水

滎水

濯水

潁水

潁水

潁水

潁水出南陽魯陽縣西之堯山

堯之末孫劉累以龍食帝孔甲孔甲又求之不得累

懼而遷于魯縣立堯祠于西山謂之堯山故張衡南

都賦曰奉先帝而追孝立唐祠于堯山堯山在太和

川太和城東北湓水出焉張衡南都賦曰其川瀆則

湓澧灤澮發源巖穴布濩漫汗潏沔洋溢總括急趣

箭馳風疾者也湓水又歷太和川東逕小和川又東

溫泉水注之水出北山阜七源竒發

案近刻脫阜字源訛作泉炎

熱特甚闕駟曰縣有湯水可以療疾

案近刻疾下有矣字湯側

又有寒泉焉地勢不殊而炎涼異致雖隆火盛日肅

若冰谷矣渾流同溪南注湓水

案南下近流有流字

湓水又東

逕胡木山東流又會溫泉口水出北山阜炎勢奇毒
痾疾之徒無能澡其衝漂救養者咸去湯十許步別
池然後可入湯側有石銘云皇女湯可以療萬疾者
也故杜彥達云然如沸湯可以熟米飲之愈百病

案飲

之近刻訛
作飯而

道士清身沐浴一日三飲

案近刻
訛作飯

多少自

在四十日後身中萬病愈三蟲死學道遭難逢危終
無悔心可以牢神存志即南都賦所謂湯谷湧其後
者也然宛縣有紫山山東有一水東西十五里南北

二百步湛然沖滿無所通會冬夏常溫世亦謂之湯谷也非魯陽及南陽之縣故也張平子廣言土地所苞明非此矣滄水又東房陽川水注之水出南陽雒縣西房陽川北流注于滄滄水之北有積石焉世謂女靈山其山平地介立不連岡以成高峻石孤峙不託勢以自遠四面壁絕極能靈舉遠望亭亭狀若單楹插霄矣北面有如頽落劣得通步好事者時有扳陟耳滄水又與波水合水出霍陽西川大嶺東谷俗

謂之歇馬嶺川曰廣陽川非也即應劭所謂孤山波
水所出也馬融廣成頌曰浸以波澹其水又南逕蠻
城下蓋蠻別邑也俗謂之麻城非也波水又南分三
川于白亭東而俱南入湓水湓水自下兼波水之通
稱也是故闕駟有東北至定陵入汝之文湓水又東

逕魯陽縣故城南城即劉累之故邑也有魯山

案近刻脫

山縣居其陽故因名焉王莽之魯山也昔在于楚文

子守之與韓遘戰

案遘近刻作
構下有難字

有返景之誠內有南

陽都鄉正衛為碑湔水右合魯陽關水水出魯陽關
外分頭山橫嶺下夾谷東北出入湔湔水又東北合
牛蘭水水發縣北牛蘭山東南逕魯陽城東水側有
漢陽侯焦立碑牛蘭水又東南與柏樹溪水合水出
魯山北峽谷中東南流逕魯山西而南合牛蘭水又
東南逕魯山南關駟曰魯陽縣今其地魯山是也水
南注于湔湔水東逕應城南故應鄉也應侯之國詩
所謂應侯順德者也彭水注之俗謂之小湔水水出

魯陽縣南彭山蟻塢東麓北流逕彭山西下有彭山
廟廟前有彭山碑漢桓帝元嘉三年杜仲長立彭水
逕其西北漢安邑長尹儉墓東冢西有石廟廟前有
兩石闕闕東有碑闕南有二獅子相對南有石碣二
枚石柱西南有兩石羊中平四年立彭水又東北流
直應城南而入潢潢水又左合橋水水出魯陽縣北
恃山東南逕應山北又南逕應城西地理志曰故父
城縣之應鄉也周武王封其弟為侯國應劭曰韓詩

外傳稱周成王與弟戲以桐葉為主曰吾以封汝周公曰天子無戲言王乃應時而封故曰應侯鄉亦曰應鄉按呂氏春秋云成王以桐葉為主封叔虞非應侯也沒郡古文殷時已有應國非成王矣戰國范雎所封邑也謂之應水澧水又東逕犇縣故城北左傳昭公元年冬楚公子圍使伯州犁城犇是也出于魚齒山下春秋襄公十八年楚伐鄭次于魚陵涉于魚齒之下甚雨楚師多凍役徒幾盡

案役徒近刻作徒役

晉人聞

有楚師師曠曰不害吾驟歌北風又歌南風南風不
競多死聲楚必無功矣所涉即湓水也水南有漢中

常侍長樂太僕吉成侯州苞冢

案近刻脫成字州字

冢前有碑

基西枕岡城開四門門有兩石獸墳傾墓毀碑獸淪
移人有掘出一獸猶全不破甚高壯頭去地減一丈
許作制甚工左膊上刻作辟邪字門表塹上起石橋
歷時不毀其碑云六帝四后是諮是諏蓋仕自安帝
沒于桓后于時閭閻擅權五侯暴世割剝公私以事

生死夫封者表有德碑者頌有功自非此徒何用許
為石至千春不若速朽邕墓萬古祇彰誦辱嗚呼愚
亦甚矣渰水又東犇水注之俗謂之秋水非也水有

二源東源出其縣西南踐犢山東崖下水方五十許

步不測其深東北流逕犇縣南又東北屈逕其縣東

而北合西源水

案源近刻
訛作流

西源出縣西南頗山北阜

下東北逕犇城西又屈逕其縣北東合右水

案右近
刻訛作

二亂流北注于渰漢高祖入關破南陽太守呂齮于

犍東即于是地湍水之陰也湍水又東南逕昆陽縣

故城北昔漢光武與王尋王邑戰于昆陽敗之走者

相騰踐奔殪百餘里間

案近刻脫間字

會大雨如注湍川盛

溢

案川近刻作水

虎豹皆股戰士卒爭赴溺死者以萬數水

為不流王邑嚴尤陳茂輕騎皆乘尸而度矣

東北過潁川定陵縣西北又東過鄆縣南東入于汝

湍水東逕西不羹亭南亭北背汝水于定陵城北東

入汝鄆縣在南不得過

涑水出弘農盧氏縣支離山

案支近刻作攻

東南過南陽西鄂

縣西北又東過宛縣南

涑水導源東流逕鄠縣故城北郭仲產曰鄠縣故城

在支離山東南

案近刻說作故城南在攻離山東

鄠舊縣也三倉曰

樊鄧鄠鄠有二城北鄠也

案後魏析置南北鄠湍水逕南鄠城東涑水逕北鄠

城北漢祖入關下浙鄠即此縣也涑水又東南流歷雒

縣之衡山

案近刻脫歷字之下衍雒字

東逕百章郭北又東魯陽

關水注之水出魯陽縣南分水嶺南水自嶺南流北

水從嶺北注故世俗謂此嶺為分頭也其水南流逕
魯陽關左右連山插漢秀木干雲是以張景陽詩云
朝登魯陽關峽路峭且深亦司馬芝與母遇賊處也
關水歷雉衡山西南逕皇后城西建武元年世祖遣
侍中傅俊持節迎光烈皇后于涓陽俊發兵三百餘
人宿衛皇后道路歸京師蓋稅舍所在故城得其名
矣山有石室甚飾潔相傳名皇后浴室又所幸也關
水又西南逕雉縣故城南昔秦文公之世有伯陽者

案伯陽近刻
訛作陽伯

逢二童曰曰被

案近刻
訛作彼

二童二雉也

得雉者霸雄者王二童翻飛化為雙雉光武獲雉于
此山以為中興之祥故置縣以名焉關水又屈而東

南流注于涓涓水又東南流逕博望縣故城東

案縣
下近

刻衍西
北二字

郭仲產曰在郡東北百二十里

案近刻
脫在字

漢武

帝置校尉張騫隨大將軍衛青西征為軍前導相望

水草得以不乏元光六年封騫為侯國地理志南陽

有博望縣

案志下近刻衍
曰字又脫博字

王莽改之曰宜樂也涓水

又東南逕西鄂故城東應劭曰江夏有鄂故加西也

昔劉表之攻杜子緒于西鄂也功曹柏孝長

案柏近刻訛作

伯聞戰鼓之音懼而閉戶蒙被自覆漸登城而觀言

勇可習也涓水又南

案涓近刻訛作清

洱水注之水出弘農

郡盧氏縣之熊耳山東南逕酈縣北東南逕房陽城

北漢哀帝四年封南陽太守孫寵為侯國俗謂之房

陽川又逕西鄂縣南水北有張平子墓墓之東側墳

有平子碑文字悉是古文篆額是崔瑗之辭盛弘之

郭仲產並云夏侯孝若為郡薄其文復刊碑陰為銘然碑陰二銘乃是崔子玉及陳翕耳而非孝若悉是隸字二首並存嘗無毀壞又言墓次有二碑今惟見

一碑或是余夏景驛途

案景近刻作選

疲而莫究矣水南道

側有二石樓相去六七丈雙跽齊竦高可丈七八柱圓圍二丈有餘石質青綠光可以鑒其上欒櫨承拱

案欒近刻說作鑒

雕簷四注

案近刻說作柱

窮巧綺刻妙絕人工題

言蜀郡太守姓王字子雅南陽西鄂人有三女無男

而家累千金父沒當葬女自相謂曰先君生我姊妹
無男兄弟今當安神立宅翳靈后土冥冥絕後何以
彰吾君之德各出錢五百萬一女築墓二女建樓以
表孝思銘云墓樓東平林下近墳墓

案下近
刻作不

而不能

測其處所矣洹水又東南流注于洧水世謂之肄水

案近刻脫
此二字

肄洹聲相近非也地理志曰熊耳之山出

三水洹水其一焉東南至魯陽入沔是也洧水又南
逕預山東山上有神廟俗名之為獨山也山南有魏



車騎將軍黃權夫妻二冢地道潛通其冢前有四碑

其二魏明帝立二是其子及臣吏所樹者也涓水又

西南逕吏定伯碑南又西為瓜里津水上有三梁謂

之瓜里渡自宛道途東出堵陽西道方城

案堵近刻
訛作赭西

訛作而建武三年世祖自堵陽西入破虜將軍鄧奉怨

漢掠新野拒瓜里上親搏戰降之夕陽下遂斬奉郡

國志所謂宛有瓜里津

案里下近
刻有野字

夕陽聚者也阻橋

即桓溫故壘處溫以升平五年與范汪衆軍北討所

營

案所近刻
訛作列

涓水又西南逕晉蜀郡太守鄧義山墓

南又南逕宛城東其城故申伯之都

案城近
刻作地

楚文王

滅申以為縣也秦昭襄王使白起為將伐楚取郢即

以此地為南陽郡改縣曰宛王莽更名郡曰前隊縣

曰南陽劉善曰在中國之南而居陽地故以為名大

城西南隅即古宛城也荊州刺史治故亦謂之荊州

城今南陽郡治大城其東城內有舊殿基

案近刻重
一城字

周二百步高八尺陞階皆砌以青石大城西北隅有

殿基周百步高五尺

案近刻脫殿字尺訛作文

蓋更始所起也城

西三里

案城近刻訛作地

有古臺高三丈餘文帝黃初中南

巡行所築也涑水又屈而逕其縣南故南都賦所言

涑水蕩其曾者也王莽地皇二年朱鮪等共于城南

會諸將設壇燔燎立聖公為天子于斯水上世語曰

張繡反公與戰敗子昂不能騎進馬于公而昂遇害

魏書曰公南征至宛

案近刻脫南字

臨涑水祠陣亡將士

案近

刻脫陣字

獻歎流涕衆皆哀慟涑水又南梅溪水注之水

出縣北紫山南逕百里奚故宅奚宛人也于秦為賢

大夫所謂迷虞智秦者也梅溪又逕宛西呂城東

案梅

近刻訛作紫

史記曰呂尚先祖為四岳佐禹治水有功虞

夏之際受封于呂故因氏為呂尚也徐廣史記音義

曰呂在宛縣高后四年封昆弟子呂忿為呂城侯疑

即此也又按新蔡縣有大呂小呂亭而未知所是也

梅溪又南逕杜衍縣東故城在西

案此下近刻衍按字

漢高帝

七年封郎中王翳為侯國王莽更之曰閔衍矣土地

墊下湍溪是注古人于安衆竭之令遊水是湍

案今近刻

說作今

謂之安衆港世祖建武三年上自宛遣賴陽侯

祭遵西擊鄧奉弟終

案近刻說作衆

破之于杜衍進兵涅陽

者也梅溪又南謂之石橋水又謂之女溪

案女近刻說作汝

南流

案南近刻說作之

而左注清水清水之南又有南就聚

郡國志所謂南陽宛縣有南就聚者也郭仲產言宛

城南三十里有一城甚卑小相承名三公城漢時鄧

禹等歸鄉餞離處也盛弘之著荊州記以為三公置

余按涇水左右舊有二澁所謂南澁北澁者水側之
漬聚在涇陽之東北考古推地則近矣城側有范蠡
祠蠡宛人祠即故宅也後漢末有范曾字子閔為大
將軍司馬討黃巾賊至此祠為蠡立碑文勒可尋夏
侯湛之為南陽又為立廟焉城東有大將軍何進故
宅城西有孔嵩舊居嵩字仲山宛人與山陽范式有
斷金契貧無養親賃為阿街卒遣迎式式下車把臂
曰子懷道卒伍不亦痛乎嵩曰侯嬴賤役晨門卑下

之位古人所不恥何痛之有故其讚曰仲山通達卷
舒無方屈身廝役挺秀含芳

又屈南過涓陽縣東

涓水又南入縣逕小長安司馬彪郡國志曰縣有小
長安聚謝沈漢書稱光武攻涓陽不下引兵欲攻宛
至小長安與甄阜戰敗于此涓水又西南逕其縣故
城南桓帝延熹七年封鄧秉為侯國

案東近刻
訛作康

縣故

南陽典農治後以為涓陽郡省郡復縣避晉簡文諱

更名雲陽焉

案雲近刻作云

涑水又逕安樂郡北漢桓帝建

和元年

案近刻說作六年

封司徒胡廣為涑陽縣安樂鄉侯

今于其國立樂宅戍郭仲產襄陽記曰南陽城南九

十里有晉尚書令樂廣故宅廣字彥輔

案此下衍也字

善清

言見重當時成都王廣女壻長沙王猜之廣曰寧以
一女而易五男猶疑之終以憂殞其故居今置戍因
以為名

又南過新野縣西

渭水又南入新野縣枝津分派東南出隰衍苞注

案苞

字近刻訛在隰字上

左積為陂東西九里南北十五里陂水所

溉咸為良沃渭水又南與湍水會又南逕新野縣故

城西世祖之敗小長安也姊元遇害上即位感悼姊

沒追諡元為新野節義長公主即此邑也晉咸寧二

年封大司馬扶風武王少子歆為新野郡公割南陽

五屬棘陽蔡陽穰鄧山都封焉

案近刻五訛作伍脫棘字又封焉訛作封

為王文舒更立中隔

案此句上下有脫誤三國志王祖字文舒朱謀瑋以王字屬上

句作封為
王非也

西即郡治東則民居城西傍渭水又東與

朝水合水出西北赤石山而東南逕冠軍縣界地名

沙渠又東南逕穰縣故城南楚別邑也秦拔鄢郢即

以為縣秦昭王封相魏冉為侯邑王莽更名曰農穰

也

案農近刻
訛作豐

魏荊州刺史治朝水又東南分為二水

一水枝分東北為樊氏陂陂東西十里

案西近刻
訛作四

南

北五里俗謂之凡亭陂陂東有樊氏故宅樊氏既滅

庾氏取其陂故諺曰陂汪汪下田良樊子失業庾公

昌昔在晉世杜預繼信臣之業復六門陂

案近刻陂上行之字

過六門之水下結二十九陂諸陂散流咸入朝水事

見六門碑六門既陂諸陂遂斷朝水又東逕朝陽縣

故城北而東南注于涓水又東南與棘水合水上承

堵水

案堵近刻訛作堵下同

堵水出棘陽縣北山

案近刻脫山字

數源

並發南流逕小堵鄉謂之小堵水世祖建武二年成

安侯臧宮從上擊堵鄉

案鄉近刻訛作也

東源方七八步騰

湧若沸故世名之騰沸水南流逕于堵鄉謂之堵水

建武三年祭遵引兵南擊董訢于堵鄉以水氏縣故有堵陽之名也地理志曰縣有堵水王莽曰陽城也

漢哀帝改為順陽建武二年更封安陽侯朱祐為堵

陽侯堵水于縣

案近刻脫于字

竭以為陂東西夾岡水相去

五六里古今斷岡兩舌

案朱謀埠云當作左右斷岡兩舌岡外下垂陂陀而出者

謂之

都水潭漲南北十餘里水決南潰下注為灣灣

分為二西為堵水東為滎源堵水參差流結兩湖故

有東陂西陂之名二陂所導其水枝分

案其近刻訛作俱

東

南至會口入比

案原本及近刻並說作此下同今改正比水見卷之二十九

是以

地理志比水堵水皆言入蔡互受通稱故也二湖流

注合為黃水惟所受焉

案惟近刻說作謂

逕棘陽縣之黃渚

聚又謂之為黃渚水者也謝沈後漢書

案謝上近刻衍故字又脫

後甄阜等敗光武于小長安東乘勝南渡黃渚水前

營背阻兩川

案背近刻說作皆

謂臨比水絕後橋示無還心

漢兵擊之三軍潰

案三近刻說作二

溺死黃渚水者二萬人

又南逕棘陽縣故城西應劭曰縣在棘水之陽

案近刻脫

水字是知斯水為棘水也漢高帝七年封杜得臣為侯

國後漢兵起擊唐子鄉殺湖陽尉進拔棘陽鄧晨將
賓客會光武于此縣也棘水又南逕新野縣歷黃郵
聚世祖建武三年傅俊岑彭進擊秦豐先拔黃郵者
也謂之黃郵水大司馬吳漢破秦豐于斯水之上其
聚落悉為蠻居猶名之為黃郵蠻棘水自新野縣東
而南流入于涓水謂之為力口也棘力聲相近當為
棘口也又是方俗之音故字從讀變若世以棘子木

為力子木是也

案近刻說作為力子之木也

涓水又東南逕士林

東成名也成有邨閭水左有豫章大陂下灌良疇三

千許頃也

南過鄧縣東

案南近刻說作西

縣故鄧侯吾離之國也楚文王滅之秦以為縣涓水

右合濁水

案涓近刻說作清

俗謂之弱溝水上承白水于朝

陽縣東南流逕鄧縣故城南習鑿齒襄陽記曰楚王

至鄧之濁水去襄陽二十里即此水也濁水又東逕

鄧塞北

案近刻
訛作者

即鄧城東南小山也方俗名之為鄧

塞

案方俗近刻
訛作先後

昔孫文臺破黃祖于其下濁水東流

注于涓涓水又南逕鄧塞東又逕鄧城東古鄧子國也蓋鄧之南鄙也昔巴子請楚與鄧為好鄧人奪其幣即是邑也司馬彪以為鄧之鄧聚矣

南入于沔

案此四字近刻接前
經文西過鄧縣東下

灑水出灑強縣南澤中東入潁

灑水出潁川陽城縣少室山東流注于潁水

案此即
潁水注

內所謂中水導源少室通阜者

而亂流東南逕臨潁縣西北小潁水

出焉

案此即潁水注內所謂潁水自縣西小潁水出也

東逕臨潁縣故城北

潁水又東逕潁陽城北又東逕潁強縣故城南建武

二年

案近刻訛作元年

世祖封揚化將軍堅鐔為侯國潁水

東為陶樞陂

案臨潁西北派分之小潁水終于此

余按潁陽城在潁水

南然則此城正應為潁陰城而有潁陽之名者明在

南猶有潁水故此城以陽為名矣潁水之南有二瀆

其南瀆東南流

案近刻此下衍行字

歷臨潁亭西東南入汝今

無水也疑即灑水之故瀆矣汝水于奇維城西別東

派時人謂之大灑水

案此即汝水注內所謂瀆水世亦謂之大灑水者也

東北

流枝瀆右出世謂之死汝也別汝又東北逕召陵城

北練溝出焉別汝又東汾溝出焉別汝又東逕征羌

城北水南有汾陂俗音糞汾水自別汝東注而為此

陂水積征羌城北四五里方三十里許瀆左合小灑

水

案此別一小灑水與上小灑水同名異實上小灑水在潁水之北此小灑水在潁水之南

水上

承狼陂南流名曰鞏水青陵陂水自陂東注之

案青原本

及近刻並訛作清今改正
狼陂青陵陂並見潁水注內

東迴又謂之小潁水而

南流注于大潁水大潁水取稱蓋藉潁沿注而總受

其目矣

案沿近刻訛作汾其訛作巨

又東逕西華縣故城南又東

逕汝陽縣故城北東注于潁

濯水出汝南吳房縣西北奧山

案奧近刻訛作興

東過其縣北

入于汝

縣西北有棠谿城

案棠近刻訛作堂下同

故房子國春秋定公

五年吳王闔閭弟夫槩奔楚封之于棠谿故曰吳房

也漢高帝八年封莊侯楊武為侯國建武中世祖封

泗水王歆子煒為棠谿侯山溪有白羊淵淵水舊出

山羊漢武帝元封二年白羊出此淵

案近刻此訛作北

畜牧

者禱祀之俗禁拍手嘗有羊出水野母驚拍

案近刻訛作扑

自此絕焉淵水下合濯水濯水東逕濯陽縣故城西

東流入瀕水亂流逕其縣南世祖建武二十八年

案近

刻訛作元年

封吳漢孫旦為侯國

案旦近刻訛作且

其水又東入

于汝水

親水出無陰縣東上界山

山海經謂之視水也郭景純注或曰視宜為瀕出歲
山許慎云出中陽山皆山之殊目也而東與沁水合
水出無陰縣旱山東北流注瀕瀕水又東北殺水出
西南大熱之山東北流入于親瀕水又東淪水注之
水出宣山東南流注瀕水

案東南近
刺作南東

瀕水又東得奧

水口水西出奧山東入于親水也

東過吳房縣南又東過濯陽縣南

應劭曰濯水出吳房縣東入潁縣之西北即兩川之交會也

又東過上蔡縣南東入汝

無水出無陰縣西北扶予山東過其縣南

山海經曰朝歌之山無水出焉東南流注于滎

案近刻脫

南字注字

經書扶予者其山之異名乎滎水上承堵水東

流左與西遼水合又東東遼水注之俱導北山而南流注于滎滎水又東北于無陰縣北左會無水其道

稍西

案其近刻訛作之

不出其縣南其故城在山之陽漢光

武建武中封岑彭為侯國漢以為陽山縣魏武與張

繡戰于宛馬名絕景為流矢所中公傷右臂引還灋

陰即是地也城之東有馬仁陂郭仲產曰陂在比陽

縣西五十里

案近刻脫西字

蓋地百頃其所周溉田萬頃隨

年變種境無儉歲陂水三周其隍故瀆自隍西南而

會于比灋水不得復逕其南也且邑號灋陰故無出

南之理出南則為陽也非直不究又不思矣灋水又

東北澧水注之

案澧近刻
訛作河

水出雒衡山東南逕建城

東

案東字近刻
訛在山字上

建當為巷字讀誤耳郡國志云葉縣

有巷城其水又東流入于瀕瀕水東北逕于東山西

西流入瀕

案此四字
上有脫文

瀕水之左即黃城山也有溪水

出黃城山

案近刻脫
有溪二字

東北逕方城郡國志曰葉縣有

方城郭仲產曰苦菜于東之間

案菜近刻訛
作菜下同

有小城

名方城東臨溪水尋此城致號之由當因山以表名
也苦菜即黃城也及于東通為方城矣世謂之方城

山水東流注瀕水故聖賢冢墓記曰南陽葉邑方城

西有黃城山

案聖賢冢墓記原本及近刻並訛作地理志考地理志南陽葉下云有長城號

曰方城更無此文又邑字訛在方城下今據歸有光本改正

是長沮桀溺耦耕之

所有東流水則子路問津處尸子曰楚狂接輿耕于

方城蓋于此也盛弘之云葉東界有故城始犍縣東

至觀水達比陽界南比聯聯數百里號為方城一謂

之長城云鄠縣有故城一面未詳里數號為長城即

此城之西隅其間相去六百里北面雖無基築

案北面近

刻說作
若南北

皆連山相接而漢水流其南故屈完答齊桓

公云楚國方城以為城漢水以為池郡國志曰葉縣

有長山曰方城

案山近刻
訛作城

指此城也淩水又東北歷

舞陽縣故城南漢高祖六年封樊噲為侯國也

又東過西平縣北

縣故柏國也春秋左傳所謂江黃道柏方睦于齊也

漢曰西平其西呂墟即西陵亭也西陵平夷故曰西

平漢宣帝甘露三年封丞相于定國為侯國王莽更

之曰新亭晉太康地記曰

案地記近刻訛作地理志

縣有龍泉水

可以砥礪刀劍特堅利故有堅白之論矣是以龍泉之劍為楚寶也縣出名金古有鐵官

又東過鄆縣南

鄆縣故城去此遠矣不得過

又東過定潁縣北東入于汝

漢安帝永初二年分汝南郡之上蔡縣置定潁縣順

帝永建元年

案北六字近刻訛作延光中三字

以陽翟郭鎮為尚書

令案鎮下近刻行之字封定潁侯即此邑也

湏水出蔡陽縣

湏水出縣東南大洪山山在隨郡之西南竟陵之東

北槃基所跨廣圓百餘里峰曰懸鉤處平原衆阜之

中案原近刻訛作縣為諸嶺之秀山下有石門夾郭層峻巖

高皆數百許仞入石門又得鍾乳穴穴上素崖壁立

非人跡所及穴中多鍾乳凝膏下垂望齊冰雪微津

細液滴瀝不斷幽穴潛遠行者不極窮深以穴內常

有風熱

案近刻以訛作而熱訛作勢又此句之下衍火字

無能經久故也

案能

下近刻
衍以字

湏水出于其陰初流淺狹遠乃廣厚可以浮

舟楫巨川矣時人以湏水所導故亦謂之為湏山矣

湏水東北流合石水石水出大洪山東北流注于湏

謂之小湏水而亂流東北逕上唐縣故城南本蔡陽

之上唐鄉舊唐侯國春秋定公三年唐成公如楚有

兩肅霜馬子常欲之弗與止之三年唐人竊馬而獻

之子常歸唐侯是也湏水又東均水注之水出大洪

山案近刻東北流逕土山北案此下近刻有山上又脫大字

東北流入于湏水湏水又屈而東南流

東南過隨縣西案過近刻說作逕

縣故隨國矣春秋左傳所謂漢東之國隨為大者也

楚滅之以為縣晉武帝太康中案近刻脫帝字立為郡有澇

水出縣西北黃山南逕瀝西縣西又東南瀝水入焉

瀝水出桐柏山之陽呂忱曰水在義陽瀝水東南逕

瀝西縣西又東南注于澇案注近刻說作流澇水又東南逕

隨縣故城西春秋魯莊公四年楚武王伐隨令尹闕
祁莫敖屈重除道梁澁軍臨于隨謂此水也水側有
斷蛇丘隨侯出而見大蛇中斷因舉而藥之故謂之
斷蛇丘後蛇銜明珠報德世謂之隨侯珠亦曰靈蛇
珠丘南有隨季梁大夫池其水又南與義井水合水
出隨城東南井泉嘗湧溢而津津注冬夏不異相承謂
之義井下流合澁澁水又南流注于澗澗水又會于
支水水源亦出大洪山而東流注于澗澗水又逕隨

縣南隨城山北而東南注

又南過江夏安陸縣西

隨水出隨郡永陽縣東石龍山

案隨近刻訛作遶下同

西北流

南迴逕永陽縣西歷橫尾山即禹貢之陪尾山也隨

水又西南至安陸縣故城西入于涓

案近刻脫此三字

故鄣

城也因岡為墉峻不假築涓水又南逕石巖山北昔

張昌作亂于其下籠彩鳳以惑衆晉太安二年鎮南

將軍劉弘遣牙門皮初與張昌戰于清水昌敗追斬

于江涘

案涘近刻
訛作夏

即春秋左傳定公四年吳敗楚于

柏舉從之及于清發蓋涓水兼清水之目矣

案近刻
脫此六

字又東南流而右會富水水出竟陵郡新市縣東北

大陽山水有二源大富水出山之陽南流而左合小

富水水出山之東而南逕三王城東前漢末王匡王

鳳王常所屯故謂之三王城城中有故碑文字闕落

不可復識其水屈而西南流右合大富水俗謂之大

沙水也又西南流逕杜城西新市縣治也郡國志以

為南新市也中山有新市故此加南分安陸縣立

案近

刻訛作立縣

又王匡中興初舉兵于縣號曰新市兵者也

富水又東南流于安陸界左合土山水世謂之章水
水出土山南逕隨郡平林縣故城西俗謂之將陂城
與新市接界故中興之始兵有新市平林之號又南
流右入富水富水又東入于涓涓水又逕新城南永
和五年晉大司馬桓溫築涓水又會溫水溫水出竟
陵之新陽縣東澤中口徑二丈五尺垠岸重沙端淨

可愛靖以察之則淵泉如鏡聞人聲則揚湯奮發無
所復見矣其熱可以燂雞洪濶百餘步冷若寒泉東
南流注于涓水又右得潼水水出江夏郡之曲陵縣
西北潼山東南流逕其縣南縣治石潼故城城圓而
不方東入安陸注于涓水

又東南入于夏

涓水又南分為二水東通瀟水西入于沔謂之涓口
也

水經注卷三十一

欽定四庫全書

水經注卷三十二

魏 鄴道元 撰

澠水

蘄水

決水

泚水

泄水

肥水

施水

沮水

漳水

夏水

羌水

涪水

梓潼水

沔水

澠水出江夏平春縣西

潒水北出大義山南至厲鄉西賜水入焉水源東出
大紫山分為二水一水西逕厲鄉南水南有重山即
烈山也山下有一穴父老相傳云是神農所生處也
故禮謂之烈山氏水北有九井子書所謂神農既誕
九井自穿謂斯水也又言汲一井則衆水動井今堙
塞遺跡髣髴存焉亦云賴鄉

案近刻脫賴字

故賴國也有神

農社賜水西南流入于潒即厲水也賜厲聲相近宜
為厲水矣一水出義鄉西南入隨又注潒潒水又南

逕隨縣注安陸也

南過安陸入于潁

蘄水出江夏蘄春縣北山

山即蘄柳也水首受希水枝津西南流歷蘄山出蠻

中故以此蠻為五水蠻五水謂巴水希水赤亭水

案近

刻脫五字及希水二字訛作水即謂巴水也又赤亭水

西歸水蘄水其一焉

案近

刻脫此五字

蠻左憑居阻藉山川世為抄暴宋世沈慶之

于西陽上下誅伐蠻夷即五水蠻也

南過其縣西

晉改為蘄陽縣縣徙江洲

案近刻說作縣從江州

置大陽戍後

齊齊昌郡移治于此也

案近刻脫一齊字昌訛作安

又南至蘄口南入于江

蘄水南對蘄陽洲

案近刻訛作州

入于大江謂之蘄口

案近刻脫

之洲上有蘄陽縣徙

決水出廬江雩婁縣南大別山

俗謂之為檀公峴

案謂近刻說作名公訛作山

蓋大別之異名也

其水歷山委注而絡其縣矣

案近刻作也

北過其縣東

縣故吳也春秋左傳襄公二十六年楚子秦人侵吳

及雩婁聞吳有備而還是也晉書地道記云在安豐

縣之西南即其界也故地理志曰決水出雩婁

案近刻脫

婁字

又北過安豐縣東

決水自雩婁縣北逕雞備亭春秋昭公二十三年吳

敗諸侯之師于雞父者也安豐縣故城今邊城郡治

也王莽之美豐也

案美豐近刻作美風

世祖建武八年封大將

軍涼州牧竇融為侯國晉立安豐郡決水自縣西北

流逕蓼縣故城東又逕其北漢高帝六年封孔鮒為

侯國世謂之史水

案史近刻訛作決宋永嘉中置史水縣取水以名縣

決水又

西北

案決近刻訛作也

灌水注之其水導源廬江金蘭縣西

北東陵鄉大蘇山即淮水也

案淮近刻訛作注

許慎曰出雩

婁縣俗謂之澮水

案近刻比下有也字

褚先生所謂神龜出于

江灌之間嘉林之中蓋謂此水也灌水東北逕蓼縣

故城西而北注決水

案近刻此下有也字

故地理志曰決水北

至蓼入淮

案近刻至訛作注淮訛作灌

灌水亦至蓼入決

案近刻作灌水

于蓼亦入決

春秋宣公八年冬楚公子滅舒蓼臧文仲聞

之曰臯陶庭堅不祀忽諸德之不逮民之無援哀哉

決水又北右會陽泉水水受決水東北流逕陽泉縣

故城東故陽泉鄉也漢獻帝中

案近刻訛作靈帝中

封太尉黃

琬為侯國又西北流入決水謂之陽泉口也

案口近刻

訛作

石

又北入于淮

俗謂之澮口

案澮近刻
訛作決

非也斯決灌之口矣余往因

公至于淮津舟車所屆次于決水訪其民宰與古名

全遑脈水尋經方知決口

案近刻
訛作水

蓋灌澮聲相倫習

俗害真耳

泚水出廬江潯縣西南霍山東北

案泚原本及近刻並
訛作泚下同今改正

潯者山水名也開山圖潯山圍繞大山為霍山郭景

純曰瀟水出焉縣即其稱矣春秋昭公二十七年吳
因楚喪圍瀟是也地理志曰泚水出泚山不言霍山
泚字或作潏潏水又東北逕博安縣案近刻脫
一潏字泄水
出焉

東北過六縣東

潏水東北右會踰鼓川水水出東南踰鼓川西北流
左注潏水潏水又西北逕馬亨城西又西北逕六安
縣故城西縣故臯陶國也夏禹封其少子奉其祀今

縣都陂中有大冢民傳曰公琴者即臯陶冢也楚人
謂冢為琴矣漢高帝元年別為衡山國五年屬淮南
文帝十六年復為衡山國武帝元狩二年別為六安
國王莽之安風也漢書所謂以舒屠六晉太康三年
廬江郡治淠水又西北分為二水芍陂出焉

案原本及近刻

並脫芍陂二字今據歸有光本補入

又北逕五門亭西西北流逕安豐

縣故城西晉書地道記安豐郡之屬縣也俗名之曰

安城矣又北會濡水亂流西北注也

案近刻訛作之

北入于淮

水之決會謂之泚口也

泄水出博安縣

博安縣地理志之博鄉縣也王莽以為揚陸矣泄水

自縣上承泚水于麻步川

案泚近刻
訛作北

西北出

案近刻
脫出字

歷濡溪

案歷下近
刻衍山字

謂之濡水也

北過芍陂西與泚水合

泄水自濡溪逕安豐縣

案逕近刻
訛作水

北流注于潁亦謂

之濡須口

案近刻作一謂之其濡口

西北入于淮

亂流同歸也

案歸近刻說作國

肥水出九江成德縣廣陽鄉西

呂忱字林曰肥水出良餘山俗謂之連枷山亦或以

為獨山也北流分為二水施水出焉肥水又北逕荻

城東

案荻近刻說作獲

又北逕荻丘東

案丘近刻說作江

右會施水

枝津

案右近刻說作又

水首受施水于合肥縣城東西流逕

成德縣注于肥水也

北過其縣西

案此句之上原本及近刻有肥水別三字係施水之文訛舛在此

北入芍

陂

肥水自荻丘北逕成德縣故城西王莽更之曰平阿

也又北逕芍陂東又北逕死虎塘東

案虎近刻訛作馬

芍陂

瀆上承井門與芍陂更相通注故經言入芍陂矣肥

水又北右合閭澗水

案近刻訛作肥水東北又合閭澗水

上承施水于

合肥縣北流逕浚道縣西

案浚道原本及近刻並訛作復道今改正浚道故城

在今合肥縣東北

水積為陽湖陽湖水自塘西北逕死虎亭

南

紫虎原本及近刻並訛作雩考死虎壘在今壽州東四十餘里宋書劉順等東據宛唐築四壘通典

云宛唐死虎之訛也

夾橫塘西注宋泰始初豫州司馬劉順帥

衆八十據其城地以拒劉劭趙叔寶以精兵五千

紫趙

近刻訛作杜

送糧死虎劉劭破之此塘水分為二

案為下近刻衍

澗字

洛澗出焉澗漿水注之水受芍陂陂水上承澗水

于五門亭南別為斷神水又東北逕五門亭東亭為

二水之會也斷神水又東北逕神跡亭東又北謂之

豪水雖廣異名事寔一水又東北逕白芍亭東積而為湖謂之芍陂陂周百二十許里在壽春縣南八十

里言楚相孫叔敖所造魏太尉王淩

案近刻訛作陵

與吳將

張休

案原本及近刻並訛作張休文今據三國志改正

戰于芍陂即此處也

陂有五門吐納川流西北為香門陂陂水北逕孫叔

敖祠下

案近刻脫陂字

謂之芍陂潰又北分為二水一水

東注黎漿水黎漿水東逕黎漿亭南文欽之叛吳軍

北入諸葛緒拒之于黎漿即此水也東注肥水謂之

黎漿水口

又北過壽春縣東

肥水自黎漿北逕壽春縣故城東為長瀨津津側有

謝堂北亭迎送所薄水陸舟車是焉萃止又西北右

合東溪

案右近刻
訛作左

溪水引瀆北出

案近刻
訛作山

西南流逕

導公寺西寺側因溪建刹五層屋宇間敞崇虛攜覺

也

案此句
有舛誤

又西南流注于肥肥水又西逕東臺下臺

即壽春外郭東北隅阿之榭也東側有一湖三春九

夏紅何覆水引瀆城隍水積成潭謂之東臺湖亦肥

南播也肥水西逕壽春縣故城北

案近刻脫故字

右合北溪

水導北山泉源下注漱石頽隍水上長林插天高柯

負日出于山林精舍右山淵寺左道俗嬉遊多萃其

下内外引汲泉同七淨溪水沿注西南逕陸道士解

南精廬臨側川溪大不為廣小足閒居亦勝境也溪

水西南注于肥水

案近刻脫西南二字作流注于肥水

北入于淮

肥水又西分為二水右即肥之故瀆過為船官湖以

置舟艦也肥水左瀆又西逕石橋門北

案近刻脫逕字

亦曰

草市門外有石梁渡北洲洲上有西昌寺寺三面阻

水佛堂設三像真容妙相相服精煒是蕭武帝所立

也寺西即船官坊蒼兕

案近刻說作倉光

都水是營是作湖

北對八公山山無樹木惟童阜耳山上有淮南王劉

安廟劉安是漢高帝之孫厲王長子也折節下士篤

好儒學養方術之徒數十人皆為俊異焉多神仙秘

法鴻寶之道忽有八公皆鬚眉皓素詣門希見門者
曰吾王好長生今先生無住衰之術未敢相聞八公
咸變成童王甚敬之八士並能鍊金化丹出入無間
乃與安登山薶金于地白日昇天餘藥在器雞犬舐
之者俱得上昇其所昇之處踐石皆陷人馬跡存焉
故山即以八公為目余登其上人馬之跡無聞矣惟
廟像存焉廟中圖安及八士像皆坐牀帳如平生被
服纖麗咸羽扇裙帔巾壺枕物一如常居廟前有碑

齊永明十年所建也山有隱室石井即崔琰所謂余

下壽春登北嶺淮南之道室八公石井在焉亦云左

吳與王春傳生等尋安同詣玄洲還為著記號曰八

公記都不列其雞犬昇空之事矣按漢書安反伏誅

葛洪明其得道事備抱朴子及神仙傳肥水又左納

芍陂瀆

案芍近刻
訛作葛

瀆水自黎漿分水引瀆壽春城北

案近刻
脫城字

逕芍陂門右北入城昔鉅鹿時苗為縣長是

其留犢處也瀆東有東都街街之左道北有宋司空

劉勔廟宋元徽二年建于東鄉孝義里廟前有碑時
年碑功方創齊永明元年方立沈約宋書言泰始元
年豫州刺史殷琰反明帝假勔輔國將軍討之琰降
不犯秋毫百姓來蘇生為立碑文過其實建元四年
故吏顏幼明為其廟銘故佐龐珽為廟讚

案珽近刻
訛作挺

夏侯敬友為廟頌並附刊于碑側瀆水又北逕相國
城東劉武帝伐長安所築也堂宇廳館仍故以相國
為名又北出城注肥水又西逕金城北又西左合羊

頭溪水水受芍陂西北歷羊頭溪謂之羊頭澗水北
逕慰湖左會烽火瀆瀆受淮于烽火村南下注羊頭溪
側逕壽春城西又北歷象門自沙門北出金城西門
道遙樓下北注肥瀆肥水北注舊瀆之橫塘為玄康
南路馳道左通船官坊也肥水逕玄康城西北流北
出水際案水字近刻訛在北出上有曲水堂亦嬉遊所集也又西
北流昔在晉世謝玄北禦苻堅祈八公山及置陣于
肥水之濱堅望山上草木咸為人狀此即堅戰敗處

案堅近刻
訛作故

非八公之靈有助蓋苻氏將亡之惑也肥

水又西北注于淮是曰肥口也

施水亦從廣陽鄉肥水別

案此三字原本及近刻並訛
在肥水經文北過其縣西之

上今
改正東南入于湖

施水受肥于廣陽鄉東南流逕合肥縣應劭曰夏水

出城父東南至此與肥合故曰合肥關駟亦言出沛

國城父東至此合為肥余按川殊派別

案殊近刻
訛作流

無

沿注之理方知應闕二說非實證也蓋夏水暴長施

合于肥故曰合肥也非謂夏水施水自成德

案原本及近刻

並脫施水二字成德訛作城父今據歸有光本改正

東逕合肥縣城南城居四

水中

案近刻脫城字

又東有逍遙津

案又東近刻訛作東又

水上舊有

梁孫權之攻合肥也張遼敗之于津北橋不撤者兩

版權與甘寧蹴馬趨津谷利自後著鞭助勢遂得渡

梁凌統被鎧落水後到追亡流涕津渚施水又東分

為二水枝水北出焉下注陽淵施水又東逕湖口成

東注巢湖謂之施口也

沮水出漢中房陵縣淮水

案二字外誤據漢書當作東山

東南過臨沮

縣界

沮水出東汶陽郡沮陽縣西北景山即荆山首也高峰霞舉峻崿層雲山海經云金玉是出亦沮水之所導故淮南子曰沮出荆山高誘云荆山在左馮翊懷德縣蓋以洛水有漆沮之名故也斯謬證耳杜預云水出新城郡之西南發阿山蓋山異名也沮水東南流逕沮陽縣東南縣有潼水東逕其縣南下入沮水

沮水又東南逕汶陽郡北即高安縣界郡治錫城縣
居郡下城故新城之下邑義熙初分新城立西表悉
重山也沮水南逕臨沮縣西青溪水注之水出縣西
青山山之東有溫泉即青溪之源也口徑數丈其深
不測其泉甚靈潔至于炎陽有亢陰雨無時以穢物
投之輒能暴雨其水導源東流以源出青山故以青
溪為名尋源浮溪奇為深峭盛弘之云稠水傍生凌
空交合危樓傾崖

案近刻
訛作岳

恒有落勢風泉傳響于青

林之下巖援流聲于白雲之上遊者常若目不周翫
情不給賞是以林徒棲托雲客宅心泉側多結道士
精廬焉青溪又東流入于沮水沮水又屈逕其縣南
晉咸和中為沮陽郡治也沮水又東南逕當陽縣故
城北案近刻脫故字又此句之下衍縣字城因岡為阻北枕沮川案枕近刻
說作其故城在東百四十里謂之東城在綠林長坂
抗南長坂即張翼德橫矛處也沮水又東南逕驢城西
磨城東又南逕麥城西昔關雲長詐降處自此遂叛

傳云子胥造驢磨二城以攻麥邑即諺所云東驢西

磨麥城自破者也

案近刻脫此十四字

沮水又南逕楚昭王墓

東對麥城故王仲宣之賦登樓云西接昭丘是也沮

水又南與漳水合焉

又東南過枝江縣東南入于江

沮水又東南逕長城東又東南流注于江謂之沮口也

漳水出臨沮縣東荆山東南過蓼亭又東過章鄉南

荆山在景山東百餘里新城汴鄉縣界

案汴原本及近刻並訛作

沛今據晉書改正

雖羣峰競舉而荆山獨秀漳水東南流又

屈西南逕編縣南縣舊城之東北百四十里也

案近刻脫

之字也字

西南高陽城

案近刻訛作高陽城西南

移治許茂故城

案漢編縣

即今荆門州西高陽城晉隆安中東北移百四十里即今南漳縣之許茂城

城南臨漳水

又南歷臨沮縣之章鄉南昔關侯保麥城詐降而遁

潘璋斬之于此漳水又南逕當陽縣又南逕麥城東

王仲宣登其東南隅臨漳水而賦之曰夾清漳之通

浦倚曲沮之長洲是也漳水又南洩水注之山海經

曰洩水出東北宜諸之山南流注于漳水

案南近刻
訛作而

又南至枝江縣北烏扶邑

案烏近刻
訛作烏

入于沮

地理志曰禹貢南條荆山

案南近刻
訛作東

在臨沮縣之東

北漳水所出東至江陵入陽水注于沔

案陽近刻
訛作楊

非

也今漳水于當陽縣之東南百餘里而右會沮水也

夏水出江津于江陵縣東南

案津近刻
訛作流

江津豫章口東有中夏口是夏水之首江之汜也屈

原所謂過夏首而西浮顧龍門而不見也龍門即郢城之東門也

又東過華容縣南

縣故容城矣春秋魯定公四年許遷于容城是也北臨中夏水自縣東北逕成都郡故城南晉永嘉中西

蜀阻亂割華容諸城為成都王穎國

案此六字近刻訛作為穎王都

夏水又逕交趾太守胡寵墓北漢太傅廣身陪陵而此墓側有廣碑故世謂廣冢非也其文言是蔡伯喈

之辭歷范西戎墓南王隱晉書地道記曰陶朱家在

華容縣樹碑云是越之范蠡晉太康地記

案康近刻訛作原

盛弘之荊州記劉澄之記並言在縣之西南郭仲產

言在縣東十里檢其碑題云故西戎令范君之墓碑

文缺落不詳其人稱蠡是其先也碑是永嘉二年立

觀其所述最為究悉以親逕其地

案以近刻訛作似

故違衆

說從而正之夏水又東

案近刻脫夏字

逕監利縣南晉武帝

太康五年立縣土卑下澤多陂池西南自州陵東界

逕于雲杜池陽為雲夢之藪矣韋昭曰雲夢在華容縣按春秋魯昭公三年鄭伯如楚子產備田具以田江南之夢郭景純言華容縣東南巴丘湖是也杜預云枝江縣安陸縣有雲夢蓋跨川亘隰兼芑勢廣矣夏水又東夏楊水注之水上承楊水于竟陵縣之柘口東南流與中夏水合謂之夏楊水又東北逕江夏惠懷縣北而東北注

又東至江夏雲杜縣入于沔

應劭十三州記曰江別入沔為夏水源夫夏之為名
始于分江冬竭夏流故納厥稱既有中夏之目亦苞
大夏之名矣當其決入之所

案近刻入訛作水又此句之下衍出字謂

之堵口焉

案夏水入沔之口是為堵口

鄭玄注尚書滄浪之水言

今謂之夏水來同故世變名焉劉澄之著永初山川
記云夏水古文以為滄浪漁父所歌也因此言之水
應由沔今按夏水是江流沔非沔入夏假使沔注夏
其勢西南非尚書又東之文余亦以為非也自堵口

下河水通蕙夏目而會于江謂之夏汭也故春秋左傳稱吳伐楚沈尹射奔命夏汭也杜預曰漢水曲入江即夏口矣

羌水出羌中參狼谷

案參狼原本及近刻並訛作參
糧脫谷字今據歸有光本改正

彼俗謂之天池白水矣地理志曰出隴西羌道東南流逕宕昌城東西北去天池五百餘里羌水又東南

逕宕婆川城東而東南注

案近刻訛作逕宕昌婆
川城東南北注姜水

昔

姜維之寇隴右也

案姜近刻
訛作羌

聞鍾會入漢中引還知

雍州刺史諸葛緒屯橋頭從孔函谷

案近刻說作從此谷

將出

北道緒邀之此路維更從北道

案近刻說作此道

渡橋頭入

劔閣緒追之不及羌水又東南陽部水注之水發東

北陽部溪西南逕安民戍又西南注羌水又東南逕

武街城西南

案街近刻作階

又東南逕葭蘆城西

案近刻脫逕字

羊

湯水入焉水出西北陰平北界湯溪東南逕北部城

北又東南逕五部城南

案五近刻說作三

東南右合妾水

案近

刻說作右妾水合

傍西南出即水源所發也羌水又逕葭蘆

城南逕餘城南又東南左會五部水水有二源出南北五部溪西南流合為一水屈而東南注羌水羌水又東南流至橋頭合白水東南去白水縣故城九十里

又東南至廣魏白水縣與漢水合

案此乃西漢水

又東南過巴

郡閬中縣又南至墊江縣東南入于江

涪水出廣魏涪縣西北

涪水出廣漢屬國剛氏道徼外東南流逕涪縣西王

莽之統睦矣臧宮進破涪城斬公孫恢于涪自此水上縣有潺水出潺山水源有金銀礦洗取火合之以成金銀潺水歷潺亭而下注涪水涪水又東南逕綿竹縣北臧宮溯涪至平陽公孫述將王元降遂拔綿竹涪水又東南與建始水合水發平洛郡西溪西南流屈而東南流

案南近刻訛作西

入于涪涪水又東南逕江

油戍北鄧艾自陰平景谷步道懸兵束馬入蜀逕江油廣漢者也涪水又東南逕南安郡南又南與金堂

水會水出廣漢新都縣東南流入涪涪水又南枝津

出焉

案近刻脫津字

西逕廣漢五城縣為五城水又西至成

都入于江

南至小廣魏與梓潼水合

案近刻脫水字

小廣魏即廣漢縣地王莽更名曰廣信也

梓潼水出其縣北界西南入于涪

故廣漢郡

案此下近刻有也字

公孫述改為梓潼郡劉備嘉霍

峻守葭萌之功又分廣漢以北別為梓潼郡以峻為

守縣有五女蜀王遣五丁迎之至此見大蛇入山穴

五丁引之山崩壓五丁及五女因氏山為五婦山又

曰五婦候

案近刻
訛作候

馳水所出一曰五婦水亦曰潼水

也其水導源山中

案近刻脫
此二字

南逕梓潼縣王莽改曰

子同矣自縣南逕涪城東

案南近刻
訛作西

又南入于涪水

謂之五婦水口也

又西南至小廣魏南

案近刻南
上行縣字

入于墊江

亦言涪水至此入漢水

案此近刻訛作北
漢水即西漢水也

亦謂之為

內水也北逕墊江昔岑彭與臧宮自江州從涪水上
公孫述令延岑盛兵于沈水宮左步右騎夾船而進
勢動山谷大破岑軍斬首溺水者萬餘人水為濁流
沈水出廣漢縣下入涪水也

涪水出漢中南鄭縣東南旱山

案近刻脫鄭字

北至安陽縣南

入于沔

案安陽原本及近刻並訛作沔陽今改正沔水經文云東過魏興安陽縣南涪水出自旱山北

注之非沔陽甚明

涪水即黃水也東北流逕成固南城北

案成固近刻訛作城固下

同 城在山上或言韓信始立或言張良創築未知定

所制矣義熙九年索邈為果州刺史自成固治此故

謂之南城城周七里衿澗帶谷絕壁百尋北谷口造

城東門傍山尋澗五里有餘盤道登陟方得城治城

北水舊有桁北渡泔水水北有趙軍城城北又有桁

渡沔取北城城即大成固縣治也黃水右岸有悅歸

館泔水歷其北北至安陽左入沔

案安陽原本及近刻並訛作沔陽今

改正又近 為泔水口也

案泔近刻訛作三

水經注卷三十二